

**ՆՈՐ ԻՐՈՂՈՒԹՅՈՒՆՆԵՐ
ԱԴԻԲԵՉԱՆԻ ՀԵՏԱԶՈՏԱԿԱՆ
ԿԵՆՏՐՈՆՆԵՐԻ ՈԼՈՐՏՈՒՄ**

Դիանա Գալստյան, Վարուժան Գեղամյան՝

Առաջատար երկրներում պետական և հասարակական ոլորտի տարբեր մակարդակներում որոշումների կայացման գործընթացում կարևոր դեր են խաղում այսպես կոչված «ուղեղային կենտրոնները» (անգլ.՝ *think tanks*, այսուհետ՝ ՈւԿ): Ավելի քան երբևէ ազգային անվտանգությունը պայմանավորված է առկա մտավոր ռեսուրսներն ազգային շահերին համապատասխան կազմակերպելու և օգտագործելու կարողությամբ, ինչում ՈւԿ-ներն ուրույն տեղ են զբաղեցնում [1, էջ 5]: Առանց զարգացած, անկախ փորձագիտական հանրության ժամանակակից պետությունները չեն կարող դիմագրավել իրենց առջև ծառայած ներքին և արտաքին խնդիրներին: Եթե Արևմուտքում դրանք վաղուց կայացած ինստիտուտներ են, ապա հետխորհրդային պետություններում ՈւԿ-ները կամ նմանատիպ գործառույթներ իրականացնող կենտրոնները դեռ նոր են սկսում երևան գալ և փորձում են ընդգրկվել «որոշումների կայացման» գործընթացում:

Այդ պետությունների շարքում բացառություն չէ նաև Ադրբեջանը: Այս երկրում գոյություն ունեցող վերլուծական կենտրոնները (առաջատար 16 կենտրոնների մասին *տե՛ս Աղյուսակ 1-ում*) մեծ մասամբ փորձում են համապատասխանել արևմտյան կենտրոնների չափանիշներին՝ օգտագործելով նրանց փորձը, սակայն ունեն որոշակի առանձնահատկություններ, որոնք կներկայացնենք ստորև:

՝ «Նորավանք» ԳԿՀ Տեղեկատվական կենտրոնի փորձագետներ:

Աղբբեջանի առաջատար վերլուծական կենտրոնները

NN	Անվանումը (առեղծման տարեթիվը) ինտերնետային կայքը	Ղեկավարը	Նպատակներն ու խնդիրները	Հրատարակությունները	Գործընկերներն ու դուստրները
1.	Աղբբեջանի Հանրապետության նախագահին կից կից ռազմավարական հետազոտությունների կենտրոն (2007թ.) www.sam.gov.az	պաշտոնակատար Գյուլշան Փաշանա	1. Կառավարման բարելավման ուղղված վերլուծությունների պատրաստում 2. Հասարակական-քաղաքական, տնտեսական գործընթացների վերլուծություն	1. «Azerbaijan Focus» ամսագիր Գրքեր 2. «Եկա, տեսա, յուրացրի» 3. Քաղաքական կուսակցություններն Աղբբեջանում (ընտրությունից ընտրություն) 4. «Երկրորդ հնարավորություն. Զբիգն Բժեգինսկի»	1. Բրիտանական հասարակական LINKS կազմակերպություն 2. Ռազմավարական հետազոտությունների միջազգային ինստիտուտ (Լոնդոն) 3. Եվրոպական քաղաքական հետազոտությունների կենտրոն (Բրյուսել) 4. Քաղաքական, տնտեսական և սոցիալական հետազոտությունների կենտրոն SETA (Անկարա) 5. Ռազմավարական հետազոտությունների ռուսաստանյան ինստիտուտ (Մոսկվա)
2.	Տնտեսական և սոցիալական զարգացման կենտրոն (2005թ.) www.cesd.az (անգլ., արբբ.)	Վուգար Բայրամով	1. Աղբբեջանի տնտեսական, սոցիալական, եներգետիկ, հարյրակցական, ֆինանսական ոլորտների ուսումնասիրություն և վերլուծություն 2. Խորհրդատվական տեղեկատվության տրամադրում Աղբբեջանի կառավարությանը	1. «Աղբբեջանի Հանրապետության հավաճվածամասային հայեցակարգ» 2. «Առաջիկայի աշխատանք. տեսություն և փորձ» 3. «Բժշկական ապահովագրությունը որպես առողջապահական համակարգի կարևոր գործոն»	1. Ջերման Մարշալի հիմնադրամ 2. «Եվրասիա» հիմնադրամ 3. Հանաշխարհային բանկ 4. Հանաշխարհային առևտրային կազմակերպություն 5. Հարվարդի համալսարան 6. Օբսթրդի համալսարան 7. Աղբբեջանի նախագահին կից ՀԿ-ների աջակցման հիմնադրամ
3.	Խաղաղության և դեմոկրատիայի ինստիտուտ (1995թ.) www.ipdco.hypermart.net (անգլ., արբբ.)	Լեյլա Յունուսովա	1. Խաղաղության պահպանման ճանապարհների որոնում 2. մարդու իրավունքների պաշտպանություն 3. աջակցություն կանանց և երիտասարդների 4. շուկայական տնտեսության զարգացում	1. Հետպատերազմյան զարգացումների դադարեցում կանխատեսումներ 3. «Ինչպե՞ս կարող է կինը պաշտպանել իր իրավունքները» 4. «Իսլամը ժամանակակից Աղբբեջանում»	1. Խաղաղության ազգային հիմնադրամ (ՄՄՆ) 2. Ֆրիդրիխ Էբերտի հիմնադրամ 3. «Եվրասիա» հիմնադրամ

1 Կայքն այժմ չի գործում:

NN Անվանումը (տեղեւորան տարիքիվը) ինտերնետային կայքը	Ղեկավարը	Նպատակներն ու ինտեյնները	Հրատարակությունները	Փայթերներն ու դրամայները
4. Կովկասի ռազմավարական հետազոտությունների ինստիտուտ (1999թ.) www.ca-c.org	Էլզար Իսմայիլով	1. Կովկասում, այդ թվում Ադրբեջանում տեղի ունեցող աշխարհաքաղաքական, աշխարհատնտեսական, սոցիալ-վշակության, էթնիկ իտեղբրան և դրանց հարակից այլ երևույթների ու գործընթացների ուսումնասիրություն	1. «Կովկասի անվտանգությունը և Ադրբեջանի Հանրապետության կարևոր գաղափարները» 2. «Հարավարևմտյան Կովկասի դեմոկրատական հանրապետությունները» 3. «Ադրբեջանի հետախնդիրության տարածքների վերանայնագրման հայեցակետային դրույթները»	1. Կենտրոնական Ասիայի և Կովկասյան հետազոտությունների ինստիտուտ (Շվեդիա) 2. Ջոն Հոփքինսի համալսարան (ԱՄՆ) 3. Կրասնայի ռազմավարական և միջազգային հետազոտությունների ինստիտուտ 4. Ադրբեջանի ԳԱԱ
5. Տնտեսական հետազոտությունների կենտրոն (1999թ.) www.erc-az.org (անգլ., ադրբ.)	Ղուբար Իբրադով Բայրամով	1. տնտեսական ռեֆորմների ծրագրերի նախապատրաստում 2. ազակցություն շուկայական արժեքի բարձրացմանը 3. տնտեսական իրադարձությունների, շուկայի մեխանիզմների, շուկայի ենթակառուցվածքի գործունեության մասին տեղեկատվության տրամադրում 4. քաղաքական խորհրդատվության տրամադրում Ադրբեջանի կառավարությանը 5. երկրում տեղի ունեցող սոցիալ-տնտեսական իրադարձությունների վերլուծություն	1. «Բուլցե և կրթություն» 2. «Մեփականաշուրհում համաշխարհային փորձը և Ադրբեջանի օրինակը» 3. «Ադրբեջանը և Արևտրի համաշխարհային կազմակերպությունը» 4. «Տնտեսության հիմքերը» 5. «Այլընտրանքային տրակ. միջազգային փորձն ու Ադրբեջանը» 6. «Ադրբեջանի հանքային արդյունաբերության թափանցիկության երեք անկյունները»	1. PASOS 2. OSI Բաց հասարակության ինստիտուտ (Ադրբեջան) 3. Էլիտարական ինստիտուտում խումբ (Բաքու) 4. Ազգային բյուջետային 5. Միջազգային բյուջետային նախագիծ 6. Oxfam միջազգային կազմակերպություն
6. Տնտեսական և քաղաքական հետազոտությունների կենտրոն (1994թ.) www.farcenter.az (անգլ., ադրբ.)	Սաբիթ Բազիրով	1. երկրի տնտեսական և քաղաքական իրավիճակի վերլուծություն 2. ազգային կառավարման հետազոտությունների իրականացում	1. «Ադրբեջանի նախը. եկամտունները, ծախսերը և ռիսկերը» 2. «Արդյունահանվող արդյունաբերություն. առաջատար երկրների փորձը» 3. «Հասարակական-քաղաքական ինստիտուտներ. համաշխարհային փորձը և կարգադրման հեռանկարները Հարավային Կովկասում» 4. «Ադրբեջան. ազգային գաղափարային դրամայները» 5. «Նախընտրվող եկամտուններ և նոր հարավ-փորձություններ Ադրբեջանի սոցիալական քաղաքականություն ուղղությամբ»	Կենտրոն տնտեսական և քաղաքական անդամ է ազատ համացանցի

NN	Անվանումը (ստեղծման տարեթիվը) ինտերնետային կայքը	Ղեկավարը	Նպատակներն ու խնդիրները	Հրատարակությունները	Գործընկերներն ու դուստրները
7.	Կովկասյան հետազոտությունների ռեսուրս կենտրոն (2003թ.) www.crrc.az (անգլ., արդբ.)	Անար Ահմադով	1. կենտրոնը ռեսուրսային և թրեյդինգ կենտրոնների ցանց է, Հարավային Կովկասում, այդ թվում՝ Ադրբեջանում, զարկ տալ քաղաքագիտական և սոցիալական հետազոտությունների իրականացմանը 2. հետազոտողներին գիտական և տեղեկատվական ռեսուրսների տրամադրում, սոցիալական ոլորտի հետազոտողների և գործող քաղաքական գործիչների հետ համագործակցության հաստատում 3. հետազոտական գրանտների տրամադրում	Հրատարակում է E-bulletin-ը, բլոգերներ, հետազոտական նախագծեր	1. Քարնեգիի կորպորացիա 2. Համաշխարհային բանկ 3. ՄԱԿ 4. Բաց հասարակության ինստիտուտ 5. Irex – Ադրբեջան 6. Ադրբեջանի էրիտասարդ տնտեսագետների ասոցիացիա 7. Խազարի համալսարան 8. Բաքվի պետական վիճակագրական կոմիտե 9. ԱՄՆ Միջազգային զարգացման գործակալություն (USAID)
8.	Հանրային ֆինանսների մոնիթորինգի կենտրոն (2003թ.) www.pfmc.az (անգլ.)	Ինգիլաբ Ահմադով	1. հանրային ֆինանսների արդյունավետ կառավարման և զրառացիության բարձրացման հնարավորությունների ձեռքբերում, 2. հանրային ֆինանսների արդյունավետ ծախսման գործում հասարակության առավել ակտիվ մասնակցության ապահովում	1. «Ֆինանսական տերմինների բառարան» 2. թերթ «Money» 3. «Ադրբեջանի նավթային պայմանագրերը» 4. «Համաշխարհային տնտեսական ճգնաժամը և պետական բյուջեն. Ադրբեջանի դեպքը»	1. PWYP (Publish What You Pay) 2. IBP- Միջազգային բյուջետային նախագիծ 3. LGI- Տեղի կառավարության և ռեֆորմների նախաձեռնության հասարակական ծախսերի մոնիթորինգի ծրագրի կառավարման հետազոտական կենտրոն 5. OSI Բաց հասարակության ինստիտուտ (Ադրբեջան) 6. Ազգային բյուջետային խումբ (Բաքու)
9.	Ադրբեջանի հեռանկարային հետազոտությունների վիճակագրություն (2006թ.) www.futurestudies.az (անգլ., արդբ.)	Ռեյհան Հուսեյնովա	1. ներկա ուղղությունների վերլուծություն, նորերի կանխատեսում 2. Ադրբեջանի, ինչպես նաև Գովկասյան տարածաշրջանի զարգացման ուղղությունների մշակում հեռանկարային ուսումնասիրությունների միջազգային մոդելների կիրառման ճանապարհով 3. Ադրբեջանի սշակութային արժեքների քարտուզում	Կենտրոնի փորձագետները հրատարակում են հետազոտություններ, գրքեր	1. Հեռանկարային հետազոտությունների համաշխարհային կազմակերպություն 2. Ադրբեջանի կապի և ինֆորմացիոն տեխնոլոգիաների նախարարություն 3. Ադրբեջանի կրթության նախարարություն

NN	Անվանումը (ստեղծման տարեթիվը) ինտերնետային կայքը	Ղեկավարը	Նպատակներն ու ինտելիքները	Հրատարակությունները	Գործընկերներն ու դրամորենները
10.	Հումանիտար հետազոտությունների վիճակագրություն (1997թ.) www.humanrights-az.org (անգլ., անգլիս., ռուս.)	Ավագ Հասանով	<ol style="list-style-type: none"> 1. սոցիալական գործունեության ծավալում, 2. անհատների մասնակցության ինքնուրույնացումը տրամադրում 2. անհատների մասնակցության ապահովումը քաղաքացիական հասարակության ձևավորման, ինչպես նաև մարդու իրավունքների, միջուկային հետ կապված գործընթացներին 3. սոցիալիզմի կամ հարցումներ 	<ol style="list-style-type: none"> 1. Հրատարակում է «Աղբյուրների տրամադրումների տեղադրում» տեղեկագիրը (2000-ից) 2. «Մարդու իրավունքները Աղբյուրներում» ամսագիրը (2002-ից) 3. «Թուսաստանի նոր միջուկային քաղաքականությունը» 4. Մարդու իրավունքները Աղբյուրներում» 5. «Ինչպես պետք է տեղական ինքնավարական մարմինների թեմաները կազմակերպել իրենց նախընտրական քաղաքացիական հարցաթերթը» 6. «Նախընտրական քաղաքացիական հարցաթերթը» 7. «Համաշխարհային զեհույց Աղբյուրներում» 8. «Նախընտրական թեմաներում» 	<ol style="list-style-type: none"> 1. ԵՄԸԿ 2. Եվրոպական խորհուրդ 3. Երևանի քաղաքացիական հասարակության (Աղբյուրներում) 4. «Միջուկային հասարակություն» կազմակերպություն 5. Միջուկային փորձության կազմակերպություն 6. Հեղինակները քաղաքացիական աստվածներ
11.	Գիտական հետազոտությունների և տնտեսական քարեփոխումների ինստիտուտ (2006թ.) www.iier.az (անգլ., անգլիս.)	Մամադ Վիլայեթ Վալիև	<ol style="list-style-type: none"> 1. պետության սոցիալ-քաղաքական զարգացման ուղղությունների որոշում, հայեցակետերի և ծրագրերի մշակում 2. սոցիալական տնտեսության համաշխարհային տնտեսության մեջ ինտեգրելու հիմքերի մշակում, միջուկային տնտեսական և ֆինանսական կազմակերպությունների հետ կապերի ամրապնդում 3. տնտեսագիտության մասնագետների պատրաստում, դասընթացների անցկացում մասնագիտական որակավորման բարձրագույն հասնար 	Հրատարակում է տեղեկագիր, Եռամսյա հանդես	<ol style="list-style-type: none"> 1. ԱՄՆ Միջուկային զարգացման գործակալություն (USAID) 2. Անվանական զարգացման բանկ 3. ՄԱԿ զարգացման ծրագիր 4. Համաշխարհային բանկ 5. Կոնվուսի հետազոտական ռեսուրս կենտրոնների ծրագիրը

NN	Մեկնումը (ստեղծման տարեթիվը) ինտերնետային կայքը	Ղեկավարը	Նպատակներն ու խնդիրները	Հրատարակությունները	Տարծրեկերներն ու բաները
12.	«Ինամ» (Հավատ) պլուրալիզմի կենտրոն (1995թ.) www.inamcfp.org (անգլ., արբբ.)	Վահիդ Գազի	1. դեմոկրատական արժեքների տարածում 2. խոսքի, մամուլի ազատության ընդլայնում 3. ազատ և արդար ընտրությունների անցկացում 4. քաղաքացիական հասարակության կառուցում	1. «Երբորը սեկտոր» ամսագիր 2. «Ղենոկրատական տեղեկագիր» 3. «Հասարակությունը և քաղաքականությունը» 4. «Մարդու իրավունքներ» 5. «Ազատություն, անկախություն և ինքնիշխանություն» 6. «Քաղաքական գիտելիքների բազա»	1. Ջերման Մարշալի հիմնադրամ 2. Ջարգացման և համագործակցության կենտրոն (Կրաստան) 3. Միջազգային հարաբերությունների ազգային դեմոկրատական ինստիտուտ 4. Freedom House (ԱՄՆ) 5. Բաց հասարակության ինստիտուտ OSI (Ադրբեջան)
13.	Անվտանգության և ռազմավարական հետազոտությունների եվրասիական կենտրոն http://atsam.org/ (արբբ.)	Հաթամ Ջաբառլի	1. տարածաշրջանային հավանարտություններ («Հարավային Ադրբեջանին» և մակեթցի թուրքերի «հակամարտություններին» վերաբերող ուսումնասիրություններ) 2. անվտանգության վերաբերյալ նյութեր («հայկական անարեկչություն», «համաշխարհային անարեկչություն», «քրդական բանվորական կուսակցության (PKK)» վերաբերյալ ուսումնասիրություններ) 3. թուրքական աշխարհի հետազոտություններ	-	1. Լ. Գումիլյովի անվան եվրասիական համալսարան (Ղազախստան) 2. 21-րդ դարը ինստիտուտ (Թուրքիա) 3. Գազիի համալսարան (Թուրքիա)
14.	Ազգային և միջազգային հետազոտությունների կենտրոն (2004թ.) http://cmis-baku.org (անգլ.)	Լեյլա Ալիևա	1. տարածաշրջանային կոնֆլիկտներ և անվտանգություն 2. էներգետիկա և քաղաքականություն 3. պետություն և դեմոկրատիայի կերտում 4. արտաքին և ներքին քաղաքականություն	1. «Մարծիք Ադրբեջանում և Թուրքիայում ժողովրդավարության մասին» 2. «Ղենոկրատական արժեքները Ադրբեջանի պատմության մեջ»	1. Անվտանգության եվրոպական կենտրոն (Հոլանդիա) 2. Մերձավոր Արևելքի տեխնիկական համալսարան (Թուրքիա) 3. Միջազգային հարաբերությունների ինստիտուտ (Նյու Յորկ)

NN	Մեխանումը (ստեղծման տարեթիվը) ինտերնետային կայքը	Դեկավարը	Նպատակներն ու ինդիկատորները	Հրատարակությունները	Գործընկերներն ու զրևտյունները
15.	Տնտեսության և բիզնես հետազոտությունների ու կիրառության կենտրոն, Խազարի համալսարան (1999թ.) www.khazar.org (անգլ., արբեր.)	Համլետ Բահանկը	1. տնտեսության և բիզնեսի տարրեր ոլորտների հետազոտություն 2. դասընթացների, սեմինարների կազմակերպում	1. «Խազարի տեսակետ» ամսագիրը 2. «Արբեջանական հետազոտություններ» ամսագիր	1. Տնտեսության զարգացման նախարարություն 2. Կրթության նախարարություն 3. Համաշխարհային բանկ 4. SOROS հիմնադրամ 5. Տնտեսական հետազոտությունների մալայզյան ինստիտուտ 6. Կորեայի զարգացման ինստիտուտ
16.	Արբեջանի դիվանագիտական ակադեմիա (2006թ.) www.ada.edu.az (անգլ.)	Հաֆիզ Փաշան	1. ուսումնասիրել Արբեջանի դերը տարածաշրջանում և աշխարհում 2. Արբեջանի քաղաքականության ռազմավարական ինդիկատորների բացահայտում և ուսումնասիրություն	1. «Արբեջանի աշխարհում» շաբաթաթերթ	1. Վիեննայի դիվանագիտական ակադեմիա 2. Նորվեգիայի դիվանագիտական ակադեմիա 3. Մոսկվայի Միջազգային հարաբերությունների պետական համալսարան (MIZMO) 4. Զորջթաննի համալսարան

Հնդհանուր բնութագիր

Համաձայն 2011թ. հունվարի 18-ին Փենսիլվանիայի համալսարանի կողմից ներկայացված «Ուղեղային կենտրոնների համաշխարհային վարկանիշի»՝ աշխարհում այժմ հաշվվում է 6480 ՈւԿ¹: Վարկանիշը կազմվել է մի քանի հազար գիտնականների և փորձագետների հարցման հիման վրա, որոնք գնահատել են այդ կազմակերպությունների աշխատանքը: Այս ցուցակում Ադրբեջանին բաժին է ընկնում 12 կենտրոն (համեմատության համար նշենք, որ Հայաստանում և Վրաստանում դրանք 14-ն են)՝ «Սոցիալական և տնտեսական զարգացման կենտրոնի» գլխավորությամբ, որն Արևելյան Եվրոպայի 25 լավագույն ՈւԿ-ների մեջ զբաղեցնում է 14-րդ տեղը: 2010թ. տվյալներով՝ Ադրբեջանի ՈւԿ-ները գլխավորում էր «Ազատ մտածողներ ասոցիացիան» («Free Minds Association»):

Տեսնենք, թե նշված 12 կենտրոնները որքանով են համապատասխանում ՈւԿ պահանջներին:

Վերլուծական կենտրոններն Ադրբեջանում կազմակերպչական ձևի առումով

- ա) ակադեմիական հետազոտական-կրթական ինստիտուտներ են,
- բ) պետական կառույցներին կից ձևավորված կենտրոններ,
- գ) հասարակական կազմակերպություններ:

Վերջին խմբի առկայությունը պայմանավորված է նրանով, որ ադրբեջանական ՈւԿ-ները հիմնականում գրանցվում են որպես հասարակական կազմակերպություններ հարկերի վճարման խնդիրներից խուսափելու և համապատասխան օրենսդրական կարգավիճակի բացակայության պատճառով: Երկրում գրանցված 2467 հասարակական կազմակերպությունների մի զգալի մասը «գործունեությունը ծավալում է միայն թղթի վրա»: Մակայն սրանց կողքին կան այնպիսիք, որոնք զբաղվում են ակտիվ, այդ թվում հետազոտական և քարոզչական աշխատանքով: Հաճախ իրենց այս գործունեությամբ նրանք մոտենում են ՈւԿ-ների գործառույթներին: Ասվածի ապացույցն է այն, որ 2010թ. Ադրբեջանի նախագահին կից Ռազմավարական հետազոտությունների կենտրոնի նախաձեռնած «Ուղեղային գրոհը 21-րդ դարում: Խնդիրներ և գաղափարներ» կյոք սեղան-քննարկման ժամանակ գիտահետազոտական կառույցների թվում ներկա էին նաև մի քանի հասարակական կազմակերպությունների ներկայացուցիչներ²:

¹ 2010 Global GoTo Report-Think Tank Index, <http://www.gotothinktank.com/wp-content/uploads/2010GlobalGoToReport-ThinkTankIndex-UNEDITION-v13.pdf>:
² Մասնակիցների թվում էին «Դեկտրինա» լրագրողների ռազմական հետազոտությունների կենտրոնը, «ՄիլԱզ» տեղեկատվական գործակալությունը, Կովկասյան ռազմավարական հետազոտությունների կենտրոնը, «3-րդ հայացք» վերլուծական տեղեկատվական գործակալությունը, «Դարաբաղի ազատագրության կազմակերպությունը», «Արեատ» ժամանակակից սոցիալական գործընթացների հետազոտությունների կենտրոնը, Անկախ Էկոլոգիական կանխատեսումների կենտրոնը, «Բնամ» (Հավատ) պլուրալիզմի կենտրոնը, «Ազատ մտածողներ» ասոցիացիան, Ադրբեջան-Ատլանտիկա համագործակցության ասոցիացիան, Մփյուռքի և լոբբիի ռազմավարական հետազոտությունների կենտրոնը, Սոցիալ-տնտեսական հետազոտությունների հասարակական միավորումը, Սիներգետիկ հետազոտությունների կենտրոնը, Քաղաքական և տնտեսական հետազոտությունների կենտրոնը և այլն: http://sam.gov.az/sites/default/files/publications/analitik_baxis2.pdf

Վերոնշյալ պատճառներով հաճախ դժվար է լինում հստակեցնել՝ արդյոք այս կամ այն կազմակերպությունը իսկական ՈւԿ է, թե ոչ: Այդ պատճառով երկրի առաջատար հետազոտական կազմակերպությունները որոշում են կայացրել պետությանը ներկայացնել օրենսդրական փոփոխություններ, որոնք հնարավորություն կտան ունենալ առանձին ՈւԿ դաշտ:

Անկախ կազմակերպչական ձևից՝ դրանց գործունեության հիմնական տեսանկյունի ուղղվածություններն են՝

- տնտեսական ուսումնասիրությունները,
- միջազգային հարաբերությունները,
- քարոզչականը (իշխանամետ և հակահայկական)
- ներհասարակական հարցերը,
- թյուրքական աշխարհի խնդիրները:

Դիտարկենք յուրաքանչյուր տեսակի կառույցի գործունեության առանձնահատկությունները:

Ակադեմիական հետազոտական ինստիտուտներից կարելի է առանձնացնել Խազարի (Կասպիական) համալսարանը և Ադրբեջանի դիվանագիտական ակադեմիան՝ իրենց կից հետազոտական կենտրոններով:

Խազարի (Կասպիական) համալսարանն Ադրբեջանի առաջին մասնավոր բուհն է. ստեղծվել է 1991թ. վարչապետի հրամանով, 1992թ. վերանվանվել է ներկայիս անունով: Խազարի համալսարանն առաջինն է եղել նաև կրթությունն անգլերեն կազմակերպելու և Բոլոնյան համակարգին անցնելու առումով: Հիմնադիրն է Համլետ Բասհանլին: 2010թ. սեպտեմբերից ռեկտոր է նշանակվել ամերիկացի պրոֆեսոր Ջոն Ռայդերը¹: Այս քայլի նպատակն անգլիալեզու ադրբեջանական համալսարանը եվրոպական և ամերիկյան կրթական չափանիշներին համապատասխանեցնելն էր: 1999թ. հուլիսից այստեղ գործում է Տնտեսական և բիզնես ուսումնասիրությունների կենտրոնը: Կենտրոնում իրականացվում են տնտեսության ամենատարբեր ոլորտներին վերաբերող հետազոտություններ, անց են կացվում սկսնակ և փորձառու գործարարների համար նախատեսված դասընթացներ: Կենտրոնը ծրագրեր է իրականացնում և կոնֆերանսներ կազմակերպում ԱՄՆ-ի, Կորեայի, Ճապոնիայի, Մալայզիայի, այլ միջազգային կազմակերպությունների և հիմնադրամների հետ համատեղ:

Ադրբեջանի դիվանագիտական ակադեմիան (ԱԴԱ) հիմնադրվել է 2006թ. Ադրբեջանի նախագահի հրամանով: Նման ակադեմիայի անհրաժեշտությունը պայմանավորված էր առաջին հերթին դիվանագիտական կադրերի պակասով. միայն 2003-2007թթ. Ադրբեջանի դեսպանատներ են բացվել աշ-

¹ Ադրբեջանում գրանցված առաջին դեպքն է, երբ օտարերկրացին նշանակվում է համալսարանի ռեկտոր:

խարհի 32 երկրներում: Ակադեմիայի ռեկտոր, Ադրբեջանի փոխարտգործնախարար, ԱՄՆ-ում Ադրբեջանի նախկին դեսպան Հաֆիզ Փաշանն այսպես է մեկնաբանել ակադեմիայի բացումը. «Մեր իմիջը աշխարհում տարածելու համար մենք այդ երկրներում իրական ներկայության կարիք ունենք: Բայց միևնույն ժամանակ կարիք ունենք դիվանագետների»¹: ԱԴԱ-ն միջազգային հարաբերությունների ինստիտուտ է, որտեղ պետական կառույցների դիվանագետների և աշխատակիցների համար ակադեմիական ծրագրային կուրսեր են դասավանդվում: Դասախոսների կազմը հիմնականում համալրված է արտերկրյա կրթություն ստացած ադրբեջանցիներով և հրավիրյալ առաջատար մասնագետներով: Հայտնի է, որ վերջիններիս շարքում են, օրինակ, Բրենդա Շաֆերը, Ջորջթաունի համալսարանից Վիլյամ Հիլը և այլ դասախոսներ: Մի քանի տարի է, ինչ ակադեմիայում կազմակերպվում է միջազգային ամառային դպրոց, որին մասնակցում են մեծ թվով օտարերկրյա գիտնականներ, հետազոտողներ, օտարերկրյա դիվանագիտական առաքելությունների ներկայացուցիչներ²: Շրջանավարտների մեծամասնությունը ավարտելուց հետո աշխատանքը շարունակում է դիվանագիտական, տնտեսական (նավթային), լոբբիստական գործունեություն իրականացնող պետական գերատեսչություններում: Ակադեմիայում կատարվում են հետազոտություններ, որոնց հիման վրա Ադրբեջանը կարող է առավել գրագետ ձևավորել իր արտաքին քաղաքականությունը և միջազգային հարաբերությունները: Ամեն տարի ԱԴԱ-ն առաջադրում է հետազոտման համար նախատեսված կոնկրետ հարցերի համախումբ, որոնք ռազմավարական նշանակություն ունեն Ադրբեջանի համար: ԱԴԱ-ի հաջողության հիմնական գրավականներից մեկն է համարվում կոռուպցիայի բացակայությունը կամ դրա նվազագույն առկայությունը:

Համալսարաններին կից գործող հետազոտական կառույցների առկայությունը, ինչը բավական ընդունված պրակտիկա է զարգացած երկրներում, թույլ է տալիս ուսանողների միջոցով ապահովել նոր փորձագիտական կադրերի ներգրավումը վերլուծական կենտրոնների աշխատանքին:

Պետական կառույցներին կից ձևավորված կենտրոններից կարելի է նշել արտգործնախարարությանը կից գործող ռազմավարական հետազոտությունների կենտրոնը, ինչպես նաև տնտեսական զարգացման նախարարությանը կից ստեղծված Գիտական հետազոտությունների և տնտեսական բարեփոխումների ինստիտուտը: Մրանց «հետազոտական արտադրանքը» հիմնականում օգտագործվում է փակ շրջանակներում:

¹ http://www.nytimes.com/2007/07/11/world/europe/11iht-azeri.4.6617266.html?_r=2

² Վերջին երեք տարիներին ամառային դպրոցները վերափոխվել են էներգետիկ հարցերի ամառային դպրոցի, որն իրականացվում է Ադրբեջանի պետական նավթային ընկերության աջակցությամբ:

Պետական նախաձեռնությամբ ստեղծված առավել հայտնի կենտրոններից է Ադրբեջանի նախագահի հրամանով 2007թ. նոյեմբերին հիմնադրված *Ադրբեջանի նախագահին կից ռազմավարական հետազոտությունների կենտրոնը (SAM)*, որը հավակնում է *think tank*-ի կոչման: Այն արտահայտում է իշխանությունների շահերը, մեծ ֆինանսական աջակցություն է ստանում պետությունից: Կենտրոնը գործունեություն է ծավալում ամենատարբեր ուղղություններով: Այն 2010թ. հունիսին հանդես եկավ Ազգային փորձագիտական խորհուրդ ստեղծելու նախաձեռնությամբ, որը պետք է համակարգի ադրբեջանական ՈւԿ-ների աշխատանքը: Այս նախաձեռնության նպատակն է Ադրբեջանում ստեղծել ընդհանուր վերլուծական «արտադրանք», որին կմասնակցեն բոլոր գիտահետազոտական վերլուծական կենտրոնները¹: Հնարավոր է, որ այս նախաձեռնության նպատակն է ավելացնել պետական վերահսկողությունն Ադրբեջանի ինտելեկտուալ դաշտի վրա: Բացի նախաձեռնության մասին հայտարարելուց, այս ուղղությամբ այլ հրապարակային քայլեր դեռևս չեն նկատվել:

Կենտրոնի գործունեության (կատարված և սպասվելիք հետազոտությունների, նոր հրատարակումների, միջազգային միջոցառումների, կարևոր նախագծերի) մասին սեփական երկրում և աշխարհում ինֆորմացիա տրամադրելու նպատակով կենտրոնը սեփական էջեր է բացել սոցիալական *Facebook* և *Twitter* ցանցերում: Հաշվի առնելով այն փաստը, որ վերջին ժամանակներս սոցիալական ցանցերը դարձել են մարդկանց կյանքի անբաժանելի մասը, որոշ դեպքերում՝ նորությունների հիմնական աղբյուրը, այս քայլը կարող է բավական մեծ ճանաչում բերել կենտրոնին:

Նշենք, որ Ադրբեջանի նախագահին կից ռազմավարական հետազոտությունների կենտրոնն ակտիվորեն մասնակցում է հակահայկական քարոզչությանը: Այդ մասին են վկայում կենտրոնի կողմից հրատարակվող գրքերը (օրինակ՝ *I came, I saw... I Misappropriated* «Եկա, տեսա, յուրացրի» գիրքը), մի շարք հոդվածներ, սոցիալական ցանցերում տեղադրվող նյութերը: Կենտրոնի ղեկավարը և փորձագետներն օգտագործում են ցանկացած առիթ՝ տեղում և հատկապես օտար երկրներում կազմակերպվող տարբեր միջոցառումների ընթացքում արտահայտելու Ղարաբաղյան հակամարտության և Խոջալուի դեպքերի մասին Ադրբեջանի որդեգրած դիրքորոշումը, ինչպես նաև տարածելու հակահայկական տրամադրություններ:

Հոդվածի պատրաստման ընթացքում կենտրոնում փոփոխություն տեղի ունեցավ. 2011թ. փետրվարի 16-ին հայտնի դարձավ, որ հունվարի 21-ին Իլ-համ Ալիևի հրամանով աշխատանքից հեռացվել է ռազմավարական հետազոտությունների կենտրոնի տնօրեն Էլիան Նուրիևը: Ժամանակավորապես

¹ <http://www.1news.az/politics/20100608114946294.html>

տնօրենի պաշտոնակար է նշանակվել Նուրիևի տեղակալ Գյուլջան Փաշա-
 նան: Հեռացման պատճառները դեռևս հստակ չեն: Շրջանավոր լուրերի հա-
 մաձայն՝ Նուրիևի պաշտոնազրկման պատճառ կարող էր լինել նախագահի,
 նրա աշխատակազմի ղեկավար Ռամիզ Մեհտիևի և վերջինիս միջև ծագած
 կոնֆլիկտը, որի բուն պատճառները, բնականաբար, չեն բարձրաձայնվում:

Հասարակական կազմակերպություններից հայտնի է *Pulse R* սոցիոլո-
 գիական ծառայություններ իրականացնող կենտրոնը, որն ամեն տարի Ֆրիդ-
 րիխ Էբերտի ֆոնդի աջակցությամբ իրականացնում է Ադրբեջանի սոցիալ-
 տնտեսական վիճակի, կենսամակարդակի, բնակչության եկամտի, իշխանու-
 թյունների նկատմամբ վստահության, հասարակական ինստիտուտների գոր-
 ծունեության, Ադրբեջանում և աշխարհում տեղի ունեցող իրադարձություննե-
 րի վերաբերյալ հասարակության վերաբերմունքի մասին հարցումներ: Հաշվի
 առնելով, որ այդ հետազոտությունները խմբագրվում են նաև Ռասիմ Մուսա-
 բեկովի կողմից, որը 2010թ. Միլլի մեջլիսի պատգամավոր է ընտրվել, և իմա-
 նալով Ադրբեջանում ազատ տեղեկատվության նկատմամբ սահմանափա-
 կումների մասին, այս հետազոտությունների արդյունքներին չի կարելի մոտե-
 նալ անվերապահորեն: Այնուամենայնիվ, դրանք որոշակի տվյալներ հաղոր-
 դում են Ադրբեջանի հասարակության մասին:

Ադրբեջանում գործում են նաև զուտ տնտեսական ուղղվածության
 կենտրոններ, որոնք համեմատաբար անկախ են, բավարար պրոֆեսիոնալ և
 համագործակցում են արևմտյան ու զարգացած տնտեսությամբ ասիական
 երկրների հետ: Սրանց շարքում առանձնանում է *Սոցիալական և տնտեսա-
 կան զարգացման կենտրոնը* (հիմնադրվել է 2005թ. հունվարի 1-ին) [2, էջ 51]:
 Այն այս տարի հռչակվել է Ադրբեջանի առաջատար տնտեսական ՈւԿ և
 Արևելյան Եվրոպայի 25 լավագույն ՈւԿ-ների մեջ զբաղեցնում է 14-րդ տեղը:
 Կենտրոնում կատարվում են հիմնականում Ադրբեջանի տնտեսական, սո-
 ցիալական, էներգետիկ ոլորտներին վերաբերող ուսումնասիրություններ,
 խորհրդատվության տրամադրում: Վերջերս կենտրոնի մասնագետները ներ-
 կայացրել են ԱՀ հակաձգնաժամային ծրագիրը, որն ընդգրկում է ձեռներեցու-
 թյան, բանկային համակարգի, ֆինանսական և բյուջեի սեկտորի, գյուղա-
 տնտեսության ոլորտներում իրագործվելիք կոնկրետ քայլերի ամբողջությու-
 նը: 2010թ. առաջին անգամ կենտրոնի շրջանակներում բացվեց ամառային
 ինտերնատուրան բարձրագույն կրթություն ունեցող ուսանողների համար:
 Անց են կացվում նաև ուսանողների համար նախատեսված ուրբաթօրյա սեմի-
 նարներ, որոնք նրանց հնարավորություն են տալիս ներկա գտնվել սոցիալ-
 տնտեսական թեմաների քննարկումներին, որոնք անցկացվում են հայտնի
 փորձագետների մասնակցությամբ:

2010թ. տվյալներով՝ առաջատար «Free Minds Association»-ը համարվում է Ադրբեջանում ստեղծված առաջին լիբերալ ՈւԿ-ն (հիմնադրվել է 2005թ.), որի նպատակն է ազատ մտքի, արդարության, մարդու իրավունքների, հանդուրժողականության տարածումը: Այն սերտորեն համագործակցում է ԱՊՀ, Եվրոպայի և ԱՄՆ լիբերալ կազմակերպությունների հետ: Կենտրոնի հիմնադիր և նախագահ Թուրալ Վալիևին 2007թ. դեկտեմբերին շնորհվել է Ստոկհոլմի ցանցի *Golden Umbrella* (Ոսկե հովանոց) մրցանակը՝ «շուկայական տնտեսությունների ոլորտում լավագույն ուղեղային կենտրոն» անվանակարգում¹:

Տնտեսական ուղղվածություն ունեցող մյուս կենտրոնը *Տնտեսական հետազոտությունների կենտրոնն* է (հիմնադրվել է 2005թ. հունվարի 1-ին): Կենտրոնն իրականացնում է երկրում տեղի ունեցող սոցիալ-տնտեսական իրադարձությունների վերլուծություն, տրամադրում է տնտեսական խորհրդատվություն, կատարում է տնտեսական ռեֆորմների ծրագրերի նախապատրաստում, պարբերաբար ներկայացնում է սպառողական գների ցուցանիշների վերաբերյալ հաշվետվություններ: Կենտրոնի կայքում (<http://erc-az.org>) տեղադրված է «ինֆյացիայի հաշվիչ», որը հնարավորություն է տալիս առցանց (օնլայն) տարբերակով հաշվել երկրում ինֆլյացիայի տոկոսը ցանկացած ժամանակահատվածի համար՝ ընտրելով համապատասխան ապրանքը և կոնկրետ ժամանակահատվածը:

Ներքին համագործակցություն

Ադրբեջանական հետազոտական կազմակերպություններն ուսումնասիրելու ժամանակ ակնհայտ դարձավ, որ նրանց միջև գրեթե բացակայում են համագործակցային կապերը: Այս իրավիճակը բնորոշում է Ադրբեջանի նախագահին կից Ռազմավարական հետազոտությունների կենտրոնի նախաձեռնությամբ կազմակերպված կլոր սեղանի ժամանակ հնչած մի ելույթ. «Համաձայն միջազգային տվյալների, մեր երկրում գործում է 13 (2009թ. տվյալներով) ՈւԿ: Ուզում եմ հարցնել ներկաներին. քանի՞սն են ճանաչում մնացած 12-ին»²: Վերոնշյալ քննարկման ժամանակ էլ ներքին համագործակցություն սկսելու նախաձեռնությամբ հանդես եկավ Ադրբեջանի նախագահին կից Ռազմավարական հետազոտությունների կենտրոնը, որին իրենց առաջարկներով միացան ներկա գտնվող մյուս հետազոտական կազմակերպությունները: Մասնավորապես, բացի ՈւԿ փորձագիտական խորհրդի կամ ՈւԿ դաշինքի ձևավորումից, առաջարկվեց նաև մրցույթների անցկացման մեխանիզմը (օր.՝ «Տարվա ՈւԿ», «Տարվա գաղափար» և այլն), տարեկան վարկանիշների

¹ Կենտրոնի մասին մանրամասն տե՛ս www.azadliqciragi.org:

² Տե՛ս http://sam.gov.az/sites/default/files/publications/analitik_baxis2.pdf

կազմումը, պետական մարմինների հետ երկխոսության ապահովումը և, վերջապես, «վերլուծական շուկայի» ստեղծումը:

Պետք է նշել, որ այս հանդիպման ընթացքում, բացի բուն ՈւԿ-ների ռազմավարական զարգացման շուրջ քննարկումներից, հատուկ ուշադրություն է դարձվել արցախյան հիմնահարցին, հայ-ադրբեջանական հակամարտությանը և Հայաստանի ու Հայության դեմ իրականացվող քարոզչական աշխատանքների կազմակերպմանը:

Արտաքին համագործակցություն

Ադրբեջանական ՈւԿ-ները համագործակցում են միջազգային տարբեր կառույցների, բանկերի, հիմնադրամների¹, ինչպես նաև այլ երկրների կենտրոնների հետ: Տարբեր երկրների հետ կապեր հաստատելու առումով հատկապես ակտիվ է Ադրբեջանի նախագահին կից ռազմավարական հետազոտությունների կենտրոնը: Կարճ ժամանակահատվածում այն կապեր է հաստատել Թուրքիայի, ԱՄՆ-ի, Մեծ Բրիտանիայի, Իսրայելի, Գերմանիայի, Չինաստանի, Ռուսաստանի², Վրաստանի, Լեհաստանի, Ղազախստանի, Ուզբեկստանի, Նորվեգիայի և այլ երկրների ՈւԿ-ների հետ: Այդ համագործակցությունն իրականացվում է համատեղ կազմակերպվող գիտական վերլուծական նախագծերի՝ կոնֆերանսների, կլոր սեղանների, ՈւԿ-ների ղեկավարների և աշխատակիցների փոխայցելությունների, փորձի փոխանակման ձևերով:

Հատկապես ակտիվ համագործակցություն է ծավալվում Թուրքիայի առաջատար ՈւԿ-ների հետ: Ադրբեջանական կենտրոնները կապեր են հաստատել Թուրք-ասիական ռազմավարական հետազոտությունների կենտրոնի (*TASAM*), Միջազգային ռազմավարական ուսումնասիրությունների կազմակերպության (*USAK*), Թուրքիայի ռազմավարական հետազոտությունների միջազգային կենտրոնի (*USAD*), Քաղաքական, տնտեսական և հասարակական հետազոտությունների հիմնադրամի (*SETA*) հետ: Մինչև 2008թ. բավական արդյունավետ էին նաև Թուրքիայի հայտնի կենտրոններից՝ Եվրասիական ռազմավարական հետազոտությունների (*ASAM*), հետ կապերը³: 2011թ. մարտի 7-

¹ Համագործակցող կազմակերպությունների շարքում են Համաշխարհային բանկը, Ջարգացման ասիական բանկը, Առևտրի համաշխարհային կազմակերպությունը, Բաց հասարակության պաշտպանության հասարակական ասոցիացիան, ԱՄՆ Միջազգային զարգացման գործակալությունը, Բաց հասարակության ինստիտուտը, «Եվրասիա» հիմնադրամը, Ջերման Մարշալի հիմնադրամը, Ջորջ Մորոսի հիմնադրամը և այլն:

² 2011թ. մարտի 14-ին Մոսկվայում համագործակցության հուշագիր է ստորագրվել Ռուսաստանի ռազմավարական հետազոտությունների ինստիտուտի (*PICCI*) և Ադրբեջանի նախագահին կից ռազմավարական հետազոտությունների կենտրոնի միջև:

³ Թուրքիայում հայտնի այս ռազմավարական կենտրոնը 2008թ. դադարեցրել է գործունեությունը ֆինանսական օժանդակությունից զրկվելու պատճառով, տե՛ս *Միմավորյան Արեստակես*, Թուրքական վերլուծական կենտրոններ. տեսություն և արդիականություն, «Գլոբուս Ազգային անվտանգություն», 2009թ., #3, http://noravank.am/upload/pdf/3_globus_National.pdf:

ին Թուրքիայի արտաքին գործերի նախարարությանը կից Ռազմավարական հետազոտությունների կենտրոնի և Ադրբեջանի նախագահին կից Ռազմավարական հետազոտությունների կենտրոնի միջև ստորագրվեց համագործակցության հուշագիր: Կարելի է ենթադրել, որ այս փաստը հավելյալ կապերի և ազդեցության հնարավորություն է ստեղծում թուրքական դիվանագիտական կորպուսի համար՝ ազդելու ադրբեջանական վերլուծական կենտրոնի վրա:

Իր հերթին Սփյուռքի և լոբբիի ռազմավարական հետազոտությունների կենտրոնը հանդես է եկել թյուրքական երկրների ՈւԿ-ների կոորդինացիայի նախաձեռնությամբ: Անհրաժեշտ է նշել, որ այս կենտրոնը ստեղծել է նաև աշխարհի ադրբեջանցիների ինտելեկտուալ գործունեության վերաբերյալ ռեսուրսների բազա:

Միևնույն ժամանակ, պետք է նշել, որ ադրբեջանական ՈւԿ-ների մի մասը, թուրքական նմանատիպ կառույցների ոճով, բավական մեծ ուշադրություն է հատկացնում «թյուրքական աշխարհի» խնդիրներին: Նրանցից որոշներն իրենց կայքերում ունեն համապատասխան բաժիններ:

Ադրբեջանական որոշ կենտրոններ ընդգրկված են «Վերլուծական կենտրոնների թուրքական երկխոսություն» նախագծի մեջ, որը մեկնարկել է 2008թ. ապրիլին¹: Բացի այդ, ադրբեջանական ՈւԿ-ները մասնակցում են Իսլամական կոնֆերանս կազմակերպության անդամ երկրների ՈւԿ-ների ֆորումներին, ընդգրկված են PASOS անկախ ՈւԿ-ների ցանցում, եվրոպական «Ստոկ-հոլմ» ցանցում, Atlas Network-ում, Global Developed Network-ում:

Ադրբեջանական ՈւԿ-ները փորձում են հնարավորինս լայնացնել իրենց համագործակցության շրջանակները՝ ներկա լինելով այս կամ այն կոնֆերանսին կամ իրենք են հանդես գալիս որպես հրավիրող կողմ: Հաճախ այդ մասնակցության հիմնական նպատակն է լինում ևս մեկ անգամ խոսել արցախյան հակամարտության մասին և ներկայացնել այդ խնդրի վերաբերյալ ադրբեջանական տեսակետը:

Հետազոտական կենտրոններ, թե՞ ՈւԿ-ներ

Չնայած Ադրբեջանում առաջին հետազոտական կենտրոնները ստեղծվել են դեռևս 1994-95թթ., սակայն դժվար է այդ կենտրոններն անվանել *think tank*-եր իրենց դասական իմաստով [2]: Դասական ուղեղային կենտրոններին համապատասխանելու ճանապարհին ադրբեջանական ՈւԿ-ները դեռևս ունեն

¹ 2008թ. ապրիլի 7-12-ը 24 երկրների վերլուծական կենտրոնների ներկայացուցիչներ հավաքվել էին Թուրքիայում՝ քննարկելու միջազգային և տարածաշրջանային խնդիրների դիտարկման, համագործակցության հաստատման և վերլուծական կենտրոնների հաղորդակցական ցանցի ստեղծման համար:

լուրջ խոչընդոտներ [1, էջ 5]: Արդյո՞ք ադրբեջանական ուղեղային կենտրոնները կարող են ազդել որոշումների կայացման վրա, որը հանդիսանում է ՈւԿ-ների գլխավոր ֆունկցիաներից մեկը: Կարծում ենք՝ այժմ դա անհնար է՝ հաշվի առնելով Ադրբեջանի կառավարման ավտորիտար համակարգի հայտնի փաստերը: Ադրբեջանական ՈւԿ-ների աշխատանքն ուղղորդվում է իշխանությունների հրահանգներով, և ավելի շուտ աշխատում է կառավարություն-ՈւԿ ուղիղ և միակողմանի կապը: Տնտեսական հարցերով փորձագետ Ջոհրապ Իսմայիլի խոսքերով՝ Միլլի մեջլիսը գործնականում ամբողջովին կախված է գործադիր իշխանության կամքից, և եթե նույնիսկ ադրբեջանական ՈւԿ-ներին հաջողվի 30-40%-ով ազդել որոշումների ընդունման վրա, միևնույն է, կանցնեն այն որոշումները, որոնց նախաձեռնությունը պատկանում է գործադիր իշխանությանը¹:

Մեկ այլ խնդիր է ֆինանսավորումը: Որոշ բացառություններով՝ ադրբեջանական կենտրոններն ունեն սահմանափակ նյութական ռեսուրսներ: Հատկանշական է, որ ադրբեջանական փորձագիտական խմբերը հանդես են եկել առաջարկով՝ ստեղծել ՈւԿ-ների աջակցման հիմնադրամ երկրում եղած համանման կառույցների նմանությամբ: Այդպիսի կառույցներից է Ադրբեջանի նախագահին կից ՋԼՄ-ների զարգացման պետական աջակցության հիմնադրամը, որը բավական գումարներ է տրամադրում լրատվամիջոցներին՝ իրենց նախագծերի իրականացման համար, սակայն հասկանալի է, որ դրանով բացառվում է անկախ լրագրության հնարավորությունը: Այս պարագայում, կարելի է ենթադրել, թե ինչի կվերաձվի ՈւԿ-ների աջակցման հիմնադրամը:

Ընդհանուր առմամբ, ադրբեջանական հետազոտական կենտրոնների ստեղծմանը ֆինանսական մեծ աջակցություն են ցուցաբերում օտարերկրյա կառավարությունները և ֆոնդերը: Այդ օժանդակությունները մտնում են հիմնականում քաղաքացիական հասարակության ձևավորման ծրագրերի ձևաչափի մեջ: Այս մեխանիզմը ՈւԿ-ներին որոշակիորեն ազատ գործելու հնարավորություն է ընձեռում՝ միաժամանակ չապահովելով լիարժեք անկախություն: Այնինչ, անկախությունը ՈւԿ-ների արդյունավետ գործունեության համար նախապայման է, ինչը, մեր համոզմամբ, անհնար է ժամանակակից Ադրբեջանում: Ադրբեջանական ՈւԿ-ների գործունեությունը վերահսկվում է վարչակարգի կողմից: Ֆինանսավորում ստանալով պետությունից կամ որևէ կազմակերպությունից՝ կենտրոնները ստիպված են լինում հետևել նրանց պահանջներին: Բնականաբար, պետությանը սերտաճած իշխանությունը չի ֆինանսավորում սեփական շահերը չներկայացնող, այլընտրանքային հայացքներ ներկայացնող կենտրոններին: Այս պայմաններում գրեթե անհնար

¹ <http://www.zerkalo.az/2009-08-22/politics/2062-thinktank-azerbaijan-center>

է խոսել անկախ, օբյեկտիվ և արդյունավետ ՈւԿ-ների մասին: Խաղաղության և դեմոկրատիայի ինստիտուտը, որի տնօրեն Լեյլա Յունուսովան Ադրբեջանում «ուղեղային կենտրոն» ստեղծելու նախաձեռնողներից էր, սկզբում բավական ակտիվ գործունեություն էր ծավալում, սակայն վերջին շրջանում պասիվ է գործում ֆինանսական սուղ միջոցների պատճառով: Ֆինանսավորման բացակայությունը պայմանավորված է կենտրոնի և անձամբ Լեյլա Յունուսովայի կողմից պարբերաբար արվող հակաիշխանական հայտարարություններով¹: Հայտնի է, որ Յունուսովայի դեմ նույնիսկ դատական գործ է հարուցվել:

Հեռանկարներ

Ի՞նչ է սպասվում Ադրբեջանի հետազոտական կենտրոններին, ի՞նչ հեռանկարներ ունեն դրանք: Վերջին շրջանում զգալի ակտիվություն է նկատվում. Ադրբեջանում մի շարք քայլեր են իրականացվում ժամանակի պահանջներին համապատասխանող ՈւԿ-ների ստեղծման ուղղությամբ: Դրանցից կարելի է նշել 2009թ. *USAID* ծրագրի շրջանակներում ադրբեջանցի 8 պատվիրակների գործուղումը ԱՄՆ՝ ամերիկյան կենտրոնների փորձն ու գործունեությունն ուսումնասիրելու նպատակով: Բացի այդ, տարբեր երկրների կենտրոնների հետ երկարամյա համագործակցությունը նպաստում է ադրբեջանական ՈւԿ-ների զարգացմանը:

Հատկանշական է, որ 2011թ. տրվել է նոր՝ էլեկտրոնային ուղեղային կենտրոնի (*E-Think-tank*) նախագծի մեկնարկը: Այն իրականացնում են Ադրբեջանի Շրջանավարտների միությունը («*Alumni Network*») և Գերմանիայի Մարշալի հիմնադրամը: Նախագծի նպատակն է հետազոտել ադրբեջանական հասարակության խնդիրների լուծման ուղիները և ստեղծել ՈւԿ: Ընդ որում՝ այս ծրագրում է ընդգրկված Ադնան Հաջիգադեն, որը 2009թ. քաղաքական այլախոհության համար ազատազրկված երկու ադրբեջանցի բլոգերներից մեկն է:

Սյուս կողմից ՈւԿ-ների համախմբմամբ շահագրգիռ է Ադրբեջանի նախագահի աշխատակազմը: Արդեն հիշատակել ենք 2010թ. Ադրբեջանի նախագահին կից Ռազմավարական հետազոտությունների կենտրոնի նախաձեռնությամբ կազմակերպված «Ուղեղային գրոհը 21-րդ դարում: Խնդիրներ և գաղափարներ» կլոր սեղան-քննարկման մասին: Այն նպատակ ուներ վեր հանել ուղեղային կենտրոնների իրական պատկերը, գնահատել եղած ինտելեկտուալ ռեսուրսները, իրենց «ուղեղային կենտրոններ» համարող կազմակերպությունների իրական գործունեությունը, համագործակցության մեխանիզմները, ՈւԿ-ների համաշխարհային վարկանիշային աղյուսակում տիրող իրավիճակը, փորձագիտական միջավայրը և այլ հարցեր: Կլոր սեղան-քննարկմանը

¹ Տե՛ս <http://www.regnum.ru/news/1205850.html>, <http://www.radioazadlyg.org/content/article/2301396.html>

մասնակցում էին Ադրբեջանի մի շարք վերլուծական հետազոտական կազմակերպությունների ղեկավարներ¹:

Այսպիսով, ադրբեջանական ՈւԿ-ների հետագա զարգացումները, ըստ մեզ, կարող են ընթանալ հետևյալ տարբերակներով: Առաջին տարբերակի համաձայն՝ դրանք ի վերջո կկարողանան դառնալ բազմազան ֆինանսական աղբյուրներով ազատ կենտրոններ և նոր որակ կհաղորդեն Ադրբեջանի մտավոր արտադրանքին ու պետական կառավարմանը: Ըստ երկրորդի՝ դրանք կդառնան պետական ֆինանսավորմամբ, բայց հիմնականում անկախ փորձագիտական կենտրոններ: Կամ էլ, երրորդ տարբերակի համաձայն, Ադրբեջանի իշխանությունները կսկսեն ավելի խիստ վերահսկել ինտելեկտուալ, վերլուծական հանրությանը, կդառնան «ինտելեկտուալ արտադրանքի» և թեմատիկ ուղղվածության հիմնական, եթե ոչ միակ «պատվիրատուն»՝ ֆինանսավորելով միայն իշխանամետ կենտրոններին և գործունեության հնարավորությունից զրկելով անկախ կամ այլընտրանքային հայացքներ արտահայտողներին: Առաջին երկու տարբերակները ներկայիս ադրբեջանական ռեժիմի պայմաններում քիչ հավանական ենք համարում. առավել իրատեսական է երրորդ տարբերակը:

Մարտ, 2011թ.

Աղբյուրներ և գրականություն

1. *Գազիկ Հարությունյան*, «Ուղեղային կենտրոնները» և ազգային անվտանգությունը, «21-րդ ԴԱԸ», # 1 (35), 2011:
2. *Դիանա Գալստյան, Արաքս Փաշայան*, «Ադրբեջանի որոշ հետազոտական կենտրոնների գործունեությունը», «Գլոբուս Ազգային անվտանգություն», 5 (9), 2009:
3. *Акопян О.А.*, Ведущие мировые фабрики мысли сегодня: новые смыслы на службе государства, http://www.nirsi.ru/analytic/expmaterials/World_Think_Tanks.pdf
4. *Акопян О.А.*, Зарубежные партийные фабрики мысли: технологии и методы работы, http://www.kurs.apmc.ru/analytic/expmaterials/World_Think_Tanks_method.pdf

¹Տե՛ս http://sam.gov.az/sites/default/files/publications/analitik_baxis2.pdf:

НОВЫЕ РЕАЛИИ В СФЕРЕ ИССЛЕДОВАТЕЛЬСКИХ ЦЕНТРОВ АЗЕРБАЙДЖАНА

Диана Галстян, Варужан Гегамян

Резюме

Аналитические центры в Азербайджане в плане организационной формы представляют собой исследовательско-образовательные институты академического толка, а также общественные организации и центры, сформированные при госструктурах. В целом, основными транспарентными направлениями их деятельности являются вопросы экономики, международных отношений, пропаганды (антиармянской), турецкого мира и внутренней политики.

Среди этих центров есть и такие, которые претендуют на дальнейшее преобразование в «мозговые центры», хотя пока не являются таковыми из-за отсутствия условий, необходимых для деятельности «мозговых центров».

Тем не менее примечательна активность, наблюдаемая в этой сфере в последнее время: азербайджанские центры принимают участие в международных конференциях, часто выступают с организационными инициативами, сотрудничают с аналогичными центрами из других стран, нередки взаимные визиты. Кроме того, в последнее время государство предпринимает определенные шаги по формированию внутреннего сотрудничества между центрами. Успешная реализация этих шагов может обеспечить новое качество развитию азербайджанских центров.